




NAMA I  
TUPANAXŮTAWA  
NAWA  
INGUXŮ



© 2011 World Missionary Press, Inc.. Meryl Esenwein art on pages 10, 12, 14, 16, 27, 29, 39, 41, 42, 44, 46, 47, and 48.  
Los textos del Nuevo Testamento Ticuna TUPANAARÜ ORE, usados con permiso de La Liga Bíblica, 16801 Van Dam Road, South Holland, IL 60473, Las Sagradas Escrituras Para Todos.

**Tupana nanaxü ga dauxügxü i naane rü 1  
nhama i naane rü guxüma i nawa maxêxü.**

“Rü noxriarü ügügu rü Tupana nanaxü ga nhama i naane.”  
Ügü (Gênesis) 1:1

“Rü Nanexü nixĩ ga namuxü ga Tupana na naxüãxücax ga gux-  
üma i tacü i nhuxma ngexmaxü i dauxügxü i naanewa rü  
nhama i naanewa.” Coróchacüãx 1:16

“Rü Tupana i dauxügxü i naane rü nhama i naanearü üruxü  
rü tá pexü narüngüxêê. Rü ngema dauxügxü i naane rü Tupa-  
naarü nixĩ, rü ngema nhama i naane rü duüxügüna nanaxã.”  
Wijaegü (Salmos) 115:15,16

Nhama ga naane rü name ga jexguma Tupana jatüna  
naxãxgu. ¡Nüxü nadaumatü i nhaa popera na nüxü cucuáx-  
ücax na tacü üpetüxü!



“Rü jexguma ga Tupana rü nügümaxã nhanagürü: —Ngĩxã tanaxü i duũxũ na taxrüũ naãẽxũ nacuáxũcax rü norü jora jixĩxũcax i guxũma —nhanagürü.”

Ügü (Gênesis) 1:26

**Tupana nanaxü ga jatü rü  
maxũ nüxna naxã.**

**3**

“Rü jexguma Tupana naxüxgu ga jatü, rü waixĩmütewa nanaxü. Rü maxũmaxã naráũgu nacie.”

Ügü (Gênesis) 2:7

“Tupana rü nhanagürü: —Rü tama name na nüxica nangexmaxũ ja jatü. Rü ngemacax tá chanaxü i wüxi i namücü na norü ngüxẽẽruũ jixĩxũcax.”

Ügü (Gênesis) 2:18

“Rü Cori ja Tupana rü ngixũ naxü ga wüxi ga nge. Rü nhuxũchi guma yatüxũtawa ngixũ naga.”

Ügü (Gênesis) 2:22

Adáũ rū Éba rū tama Tupanaga naxĩnũe.



Tama name na Chatanága ixĩnũexũ.

“Rü Tupana jema naane ga Edéũgu namuxgu ga gumá 5  
jatü, rü nüxna naxãga na mea nüxna nadauxũcax ga guxũ-  
ma Rü nanaxucuxẽ: —Marü name i cunangõx i guxũma i nhaa  
naanewa ngexmaxũ notürü ngema nanetü i cuax i mexũ, rü  
cuax i chixexũ nawa ngexmaxũ, rü taxūtáma cunangõx. Erü  
ngexguma tá cunangõxgu rü aixcũmaxũchi tá cuju —nhana-  
gürü.” Ügü (Gênesis) 2:15-17

**Ngema Äxtape i Ngoxo ixĩxũ rüexna Chataná ixĩxũ rü  
Tupanaxũ nidoraaxũ rü jemaacü nanawomüxẽẽ.**

“Rü ga äxtape rü nhanagürü ngxĩxũ: —Tama aixcuma nixĩ i  
ngema. Rü taxūtáma peijue —nhanagürü. Rü ngima ga nge rü  
ijacawe ga wüxipü ga norü o rü inangõx rü ngitemaa ingau rü  
nüma rü ta nanangõx.” Ügü (Gênesis) 3:4, 6

**Adáũ rū Éba rū marũ taxucũrũwa jema  
nachicawa najexmagũecha.**



“Rũ jexguma íntaxũchiãguwena rū Edéũmaũgu nanamugũ ga  
dauxũcüãx ga duũxũgũ ga ixãxpexátũxũ, rū jexma nanaxũ ta ga  
wũxi ga tara ga ijauracũũxũ ga guxũcüwagu jawexemaãchixũ.”

Ügũ (Gênesis) 3:24

**Jema ngunexũ ga Adáũ rü Éba nagu chixexũ üexũ 7  
rü wüxi ga ngechaũ nixĩ naxcax i guxũma i duũxũgü.**



**“Rü wüxitama ga jatügagu nixĩ ga guxũma ga duũxũgüwa  
nanguxũ ga pecádu. Rü jemagagu nixĩ ga inaxügüxũ na najuexũ  
ga duũxũgü.”**

**Rómacüãx 5:12**

**Nangexma i tacü i nüxna icuaxãchixũ:**

**Guxũma i duũxũgü rü pecádumaa nabue, rü wüxi i ngu-  
nexũgu rü tá tajue, erü pecádugagu nixĩ i nangexmaxũ i ju.  
(¡Wena nüxũ nadaumatü i Rómacüãx 5:12!)**

**8 Tupanaarü inü nixĩ ga Nane ja Cristu núma namuãxũ na tórü pecáduwa tüxũ ínanguxũxêẽxũcax.**



**Rü jema duũxũgütanüwa na nanguxũcax ja Tupana Nane, rü wüxi ga õxchanaãcü ínangu.**

“Rü ngima tá ngxũ na-  
ngexma i wüxi i ngine  
rü cuma rü tá Ngechu-  
chugu cunaxüéga erü  
núma tá norü pecádu-  
güwa ínananguxũxêẽ i  
norü duũxũgü.”

**Matéu 1:21**

**“Rü guxũma i Tupanaarü pora rü Cristuwa nangexma.”**

**Coróchacüãx 2:9**

## **Ngechuchu rü Tupana nixĩ rü duũxũxũ nügü nixĩxêẽ.**

**9**

“Naxũpa ga guxũma, rü marü najexma ga Tupana Nane. Rü Tupanamaxã najexma rü woetama Tupana nixĩ ga nümax. Rü nüma rü narüduũ rü totanüwa najexma, rü toma rü nüxũ tadaugü.”

Juáũ 1:1, 14

“Rü guxũma ga jema orearü ngeruũ nüxũ ixuxũ rü nangupetü —Rü tá ixãxãcü i ngeema nge i taguma jatuxũ cuaxcü. Rü tá najatü rü Emanué tá nixĩ i naéga.”

Matéu 1:22, 23

“Rü taxcax nabu i wüxi i õxchana. Rü nhaagü tá nixĩ i naégagü i namaxã naxugüãxũ: Rü Mecümaxüchicü, rü Ucuxëruũ ja nüxũ cuaxüchicü, rü Tupana ja poraxüchicü, rü Tanatü ja taguma jucü, rü Tupana Nane ja ngüxmüxêêruxũ ixĩcü.”

Ichaía 9:6

# 10 Ngechuchu ja Cristu rü tórü ãmare ja mecü nixĩ i Tupanapewa.

“Cristu rü taguma pecádu naxü.”

2 Corítiucüãx 5:21

“Nüma ga Cristu rü taguma pecádu naxü.”

1 Pedru 2:22

Nataxuma i to i ãmare i mexũ i nüxũ ijarüngauxũ i nhuxãcü nanaxóxẽ i tórü chixexũ.

“Jerü guma wocagü rü chibugü rü tama naporá na ijanaxóxẽẽaxũcax ga pecádugü.”

Ebréugü 10:4

Ngechuchu nixĩ i Tupanaarü ãmare. “Daa nixĩ ja jimá Tupana núma namucü na najuxũcax na duũxũgüarü pecáduxũ ijanaxóxẽẽxũcax.”

Juáũ 1:29



**Ngechuchu rü inanaxã ga norü maxũ  
na tũxũ namaxẽxẽẽxũcax.**

**11**

Ngechuchu rü curúchawa najapotagü ga duũxũgü jerü nax-chi naxaie. Notürü Tupanaarü ñnü nixĩ ga na Ngechuchu rü norü ngúchaũmaax inaxããxũ ga norü maxũ, rü jemaacü cuxũ rü choxũ ínanguxuchixẽẽ nawa ga chixexũgü.

**Ngechuchu rü nhanagürü:** “Taxúema choxũ tajuxẽẽ, notürü chorü ngúchaũmaatama ichanaxã i chorü maxũ.” Juáũ 10:18

**Ngechuchu ja Cristugü nanaxütanü ga tórü pecádugü.**

“Jerü tama uiru rüexna diëru i ngauxwaexũmaa nanax-ütanü, notürü Cristugümaa nixĩ ga naxütanüãxũ.”

1 Pedru 1:19

**Tataxuma ja toguxe ja taxcax júxe rü tũxna  
najaxúxe i tórü pecádu.**

**12** “Rü nhuxma rü Tupanapewa time jerü taxcax naju ga Cristu.”


Rómacüãx 5:9

“¡Choxna nacuaxãchi i  
ngexguma ãëxgacüxü  
ícunguxgux!” Lúca 23:42

Nhaa  
ngítaxáxü  
rü namaxü  
jerü Nge-  
chuchuãxü  
najaxõ.



“Nhamata-  
ma i ngu-  
nexügu cha-  
maxã cu-  
ngexma i  
mexëchixü i  
naanewa.”  
Lúca 23:43



Nhaa ngí-  
taxáxü rü  
inarütaxu  
jerü tama  
Ngechu-  
chuãxü  
najaxõ.



“Jexguma ipecáduãxgügu nixĩ ga taxcax najuxü ga Cristu.”  
Rómacüãx 5:8

**Guxãma ja jíxema Tupana Naneãxũ jaxóxẽ 13**  
**rũ tüxũ nangexma i maxũ.**

“Rũ Tupana rũ poraãcü nüxũ nangechaũ i nhama i  
naanecüãx i duũxügü. Rũ jemacax inanamu ga  
Nane ga nügümaa wüxicacü, na guxãma ja texé  
ja nüxũ jaxõgüxe rũ tama itarütauxexũcax rũ  
tüxũ nangexmaxũcax i maxũ i taguma gúxũ.”

Juãũ 3:16

“Jerü nüma ga Tupana rũ marü Chatanámxẽwa tüxũ  
ínanguxũxẽẽ rũ Nane ja nüxũ nangechaũcümexẽwa tüxũ  
nangexmagüxẽẽ. Rũ guma Nanegagu nixĩ ga tüxũ  
namaxẽxẽxũ rũ tüxũ nüxũ nangümaxũ ga tórü pecádugü.”

Coróchacüãx 1:13, 14



“Rü jema orearü ngeruũ  
rü nhanagürü: —;Tãũ i  
pemuũexũ! Choma nüxũ  
chacuax rü naxca  
pedaugü ja Ngechuchu  
ga guma curúchawa  
japotagüãcü. Nataxuma i  
nua, erü wena namaxũ,  
jema nüma üpa pemaa  
nüxũ jaxuxũruxũ.”

Matéu 28:5, 6

“Rü chama nixĩ i chamaxũxũ. Rü ũpa rü chaju, notürü i nhuxma rü marü guxũgutáma chamaxeche. Rü chaxmexwa nangexma na nhuxgu tá najuxũ i wüxichigü i duũxũ.” Apocaríchiu 1:18

**Marü taxucaxma i juxũ tamuũẽ erü Cristu rü juxũ narüjexera rü naxmexwa nangexma i ngema.**

“Rü ngema i ngunexũ i nagu chamuũxũgu rü chama rü cuxna chacuaxãchi.” Wijaegü (Salmos) 56:3

**Ngechuchu rü cuxũ namaxẽẽ rü Nanatüna naca na cuxũ nangũxẽẽxũcax.**

“Marü taxucaxma texé ja togue tingucuchi, erü nüma ja Ngechuchu rü tagutáma naju. Rü aixcuma tüxũ namaxẽẽxũ ja guxãma ja jíxema norü ngũxẽẽmaxã Tupanaxütawa ngugüxe.” Ebréugü 7:24, 25

16 Cuma rü chama rü tuxũ natauxcha na tuxũ  
nangexmaxũ i maxũ i taguma gũxũ.



¿Ngexũrũxũ i nama  
jixĩxũ i nagu quixũxũ?

Ngechuchu ja Cristu  
nixĩ i nama na Tupanax-  
ũtawa cunguxũcax rü  
cuxũ nangexmaxũcax i  
maxũ i taguma gũxũ.

Ngoxo i Chataná nixĩ i  
nama i juwa nadaxũ.

Daa bucü rü nama i maxũ i taguma gũxũwa nadauxũgu nixũ.

“¿Rü nhuxmatama nagu perüxĩnũe na tacürü tupanawe  
perüxĩxũ!” Juchué (Josué) 24:15

“¿Ëcü penajaxu i maxũ na pemaxẽxũcax, rü namaxẽxũcax  
i petaagü!” Deuterunómiu 30:19

**Ngechuchu nixĩ i nama i maxũ i taguma gúxũwa nadaxũ.**

“Ngechuchuxicatama nixĩ ja tórü maxẽxẽẽruũ, rü jix-  
icatama nixĩ ga Tupana tũxna namucü na tũxũ na-  
maxẽxẽẽxũcax.” Puracügü 4:12

“Chaxicatama nixĩ i Cori ja Tupana chixĩxũ, rü chaweama  
rü nataxuma i to i maxũ pexna ãxũ.” Ichaía 43:11

1. *Jerü nüma nixĩ ga núma naxũxũ.*

“Núma chaxũ na chanamaxẽxẽxũcax i duũxũgũ.”

Juáũ 10:10

2. *Jerü nüma ga Ngechuchu nixĩ ga tüxũ nangechaxũxũ rü taxcax najuxũ.*

“Rü Tupana Nane nixĩ ga choxũ ngechaũcũ, rü nügũ inaxãxũ na chauxcax najuxũcax.”

Gárataneecüãx 2:20

Ngechuchu rü nügũ narüduũ rü taxrũ naxãmachi rü naxãchina. “Rü jema norü jumaxã nüxũ narüporamae ga Chataná ga

noxri nüxü jexmaxü ga pora na tüxü ijanatauxexêx- 19  
ücax, rü Chatanámexêwa tüxü ínguxüxêxücax ja  
guxâma ja jíxema noxri naxcax muñexe ga na tajuexü.”  
Ebréügü 2:14,15

### *3. Ngechuchugüxicatama nixĩ inaxüxüxü i tórü chixexügü.*

“Rü jimá nagüxicatama nixĩ ja maxüwa tüxü nguxêêcü.”  
Lebítanüxügüchiga (Levitico) 17:11

“Rü Tupana Nane ja Ngechuchu rü nagümaa tüxü inaja-  
natauxêê i guxüma i tórü chixexü.” 1 Juáu 1:7

“Rü tüxü namaxêxêê rü tüxü nüxü inarüngüma i tórü pe-  
cádugü.” Coróchacüax 1:14



#### 4. Ngechuchu ja Cristu nixĩ ga juwa írüdacü.

“Rü nhuxma na juwa ínadxũ ja Cristu, rü tagutáma wena naju, jerü nüma rü marü juxũ narüjexera.” Rómacüãx 6:9

“Rü guxũma ga duũxũgücax naju ga Cristu, na ngema duũxũgü i nhuxma maxẽxũ, rü tama nümatama nagu namaxẽxũcax, notürü naxĩnüexũgu naxcax namaxẽxũcax ja jimá naxcax jucü rü wena írüdacü.”

2 Corítiucüãx 5:15

**Ngechuchu rü nhanagürü:** “ —Rü tá pemaxẽ, erü choma rü chamaxũ.”

Juãũ 14:19

**5. Rü tanaxwae na Ngechuchuxũ ijaxuxũ na tüxũ 21**  
**nangexmaxũcax i maxũ i taguma gúxũ.**

“Rü Cristu rü pewa nangexma i nhuxmax, rü nagagux-  
icatama nixĩ i pexũ nangexmaxũ i pechica i dauxũguxũ i  
naanewa.” Coróchacũx 1:27

“Rü ngexguma pewa namaũxgu i Naãxẽ ja jimá Tupana  
ga Ngechuchu ja Cristuxũ írüdaxẽecü, rü nümatátama wena  
nanamaxẽẽ i pexene i juxwaexũ, rü Naãxẽ i Üünexũ i pewa  
maxũxũ tá nixĩ inaxũxũ i ngema.” Rómacũx 8:11

**Ngexguma Ngechuchuxũ ijaxugũ rü Naãxẽ**  
**i Üünexũ tawa nangexma.**

“Rü jixema tama tüxũ nangexmaxe i Tupanaãxẽ i Üünexũ i  
Cristu tüxna ãxũ, rü tama Cristuarü tixĩ.” Rómacũx 8:9

# Choxũ nangechaũ ja Ngechuchu, norũ Popera chamaa nũxũ nixu.



“Rũ nũma rũ tũxũ  
naganagũtanũ ga  
guxema buãxta, rũ  
tũmaerugũgu naxũ-  
mexãcũma nhanagũ-  
rũ tũxũ: — ¡Tupana  
pexũ rũngũxẽẽx!  
—nhanagũrũ.”

Márcu 10:16

Ngechuchu rü nhanagürü: “Chanaxwae i chauxütawa naxĩ 23  
i buxügü. ;Rü tãú i nüxna penachuxuxü! Erü Tupana ãẽx-  
gacü íxĩxüwa rü tũmacax nixĩ ja jíxema nhaa buxügürüü ixĩ-  
güxe.”  
Lúca 18:16

“Penatü ja dauxügücü rü tama nanaxwae na wüxi i nhaa buxü  
na ijarütaxuxü.”  
Matéu 18:14

**Nüétama ega texé quixĩngu, rüexna ngextácüãx quixĩngxu.  
Ngechuchu rü cuxü nangechaü rü cuxcax naju. Rü nanaxwae  
na nüxü cungechaüxü. Ngexguma naga cuxĩnügu ja Ngechu-  
chu rü nüxü cunawex nax nüxü cungechaüxü.**

“Rü ngexguma aixcüma choxü pengechaügu, rü naga tá pexĩ-  
nüe i chorü mugü.”  
Juáü 14:15

## 1. ¿Ngechuchugu Tupanana nangaicama!

“Tupana rü wüxitama nixĩ. Rü ngexgumarũũ ta wüxitama nixĩ i taétüwa chogüxũ. Rü nüma nixĩ ja Ngechuchu.”

1 Timúteu 2:5

“Nüxũ natauxchaxũ nax aixcüma tüxũ namaxẽxẽxũ ja gux-ãma ja jíxema norü ngũxẽẽmaxã Tupanaxũtawa ngugüxe.”

Ebréugü 7:25

**Ngechuchu rü nhanagürü:** “Rü texé ja choxũ jaxõgüxe rü taütáma tüxũ chaxoox.”

Juáũ 6:37

## 2. ¿Nüxũ ixu na cupecáduáxũ!

“Rü guxãma tipecáduãxgü rü nüxna tajáxũgugü ja Tupana ja tüxũ maxẽxẽecü.”

Rómacüãx 3:23

### 3. ¡Nüxũ rüxo i chixexũ!

25


“Rü nüxũ perüxoe i pecüma i chixexũ  
na pexũ ínapiãxũcax i perü pecádu-  
gü.”

Puracügü 3:19

“Nüma ja Cori rü tamaa jaxna nax-  
ĩnü. Erü tama nanaxwae na texé ija-  
rütaxuxũ, notürü nanaxwae i gux-  
ãma nüxũ rüxoexũ i tümacüma i  
chixexũ.”

2 Pedru 3:9

4. ¡Ngechuchumaxã nüxũ ixu  
i curü chixexũgü!



“Ngexguma chi  
Tupanamaa nüxũ  
ixuxgu i tórü pe-  
cádugü, rü nüma  
tüxũ nüxũ inarü-  
ngüma i tórü  
chixexũgü.”

1 Juáũ 1:9

**26** ¡Rü nhaa wújemaũgũgu naxümatü i 1 Juáũ 1:9, rü jima namex ja naátü i 25 gu üxũneétũgu ümatüxũ!

---

---


---

---

### **5. ¡Nüxũ rüxo i curü chixexũgũ!**

“Rü jíxema tümaarü chixexũ icúxe rü taxütáma mexũ tüxũ nax-  
üpetü, natürü jíxema nüxũ ixuxe, rü nüxũ rüxoxe, rü Tupana rü  
tá tüxũ nüxũ inarüngüma.” Ucuxẽgũ (Provérbios) 28:13

“¡Rü nüxna ixũgachi i ngema chixexũ, rü mexũ naxü!”  
Wijaegũ (Salmos) 37:27



“Ngema Tupana pemaa mecü-  
maxügagu nixĩ i pexũ nangexma  
i maxũ i taguma gúxũ jerũ pejaxõ.  
Tupana nixĩ ga pexna naxãmare-  
cü ga jema. Rũ tama tacü i mexũ  
pexũxũcax nixĩ na ngemaãcü tax-  
úema tügü icuaxũxũcax.”

Epéchiucüãx 2:8, 9

## 6. ¡Ngechuchuãxũ jaxõ! 27

“Ngexguma cuaxmaax  
nüxũ quixuxgux na curũ Cori  
jixĩxũ ja Ngechuchu, rü  
ngexguma cuãẽwa cujaxõxgu na  
juwa Tupana ínada~~x~~ẽẽxũ, rü tá  
cuxũ nangexma i maxũ i tagu-  
ma gúxũ.” Rómacüãx 10:9

“¡Nüxũ jaxõ ja Cori ja Nge-  
chuchu, rü tá ~~c~~uxũ nangexma i  
maxũ i taguma gúxũ i cumax,  
rü guxũ i cupatacüãx!”

Puracügü 16:31

28 7. *¡Guxũ i curũ maxũmaxã najaxu ja Ngechuchu  
ja Cristu!*



Cuwa nangexma na Ngechuchuna cux-  
uxũ na curũ maxũwa nangexmaxũcax.  
**Ngechuchu rũ nhanagürũ:** “Rũ dücax,  
chama rũ iãxwa changexmaecha. Rũ  
ngéma: Tu tu tu nhacharügüecha. Rũ  
ngexguma texé choxũ ñnügu rũ chaux-  
cax tajawãxnagu, rũ tá tũmaxũtagu  
chaxücu. Rũ tũmamaa tá chachibũ rũ  
tũma i chamaax.” Apocaríchiu 3:20

“Notürũ guxema najauxgüxe, rũ nüxũ  
jaxõgüxe, rũ tũxũ nanatauxchaxẽẽ na  
Tupanaxacügü tixĩgũxũcax.”

Juáũ 1:12

Ega chi ãpaacũ taguma cujumüxẽgu, rü cunaxwaegu i ngũx-  
ẽẽ, rü nhaa nixĩ i wüxi i jumüxẽ i curũ cuaxruũ ixĩxũ:



Pa Chorũ Cori ja Ngechuchux,

Moxẽxũchi na curúchagu cujuxũ nax-  
cax ga chorũ pecádugũ. Rü nüxũ cha-  
rüxo, rü poraãcũ changechaũ ga na je-  
ma chixexũ chaxũxũ. Rü cuxna naxcax  
chaca na guxũguma chorũ maxũwa cu-  
ngexmaxũ. Rü chajaxõ na cunamexẽẽxũ  
i chorũ maxũ. Rü cuxũ chajaxu na cho-  
rũ Maxẽẽruxũ rü chorũ Cori na quixĩx-  
ũcax.

Cuégagu, Améũ.

### **30 Ngexguma chi Ngechuchu curü maxüwa ngexmagu rü cuxü nangexma i maxü i taguma gúxü.**

Tupana rü nhanagürü: “Chamatama marü pexna chanaxã i maxü i taguma gúxü. Rü nhaa maxü rü Chaunegagu pexü nangexma.”


1 Juãü 5:11

“Jíxema choxü irüxĩnüxe i chorü ore, rü nüxü jaxóxe ja jimá Chaunatü ja núma choxü mucü, rü tüxü nangexma i maxü i taguma gúxü. Rü Chaunatü rü taxütáma tümamaa nanaxuegu i poxcu.” Juãü 5:24

“Cristu rü pewa nangexma i nhuxmax rü nagaguxicatama nixĩ i pexü nangexmaxü i pechica i dauxüguxü i naanewa.” Coróchacüãx 1:27

**Ngexguma nüxü cucuaxgu na Ngechuchu rü marü cuxü nüxü  
nax inangümaxü i curü chixexügü, rü nüma rü curü Cori rü curü  
Maxëëruxü na jixixü, rü ëcü ;nuxa naxümatü i cuéga rü nhama i  
ngunexü ngexma naxú!**

---



¡Rü wüxichigü i ngunexũ rü na-  
wa nangux i Tupanaarü Ore, rü cu-  
rü maxũgu namaxã nanguxũ! ¡Rü  
cuãẽgu naxú i ngema, rü ngema tá  
poraãcü cuxũ narüngũxẽẽ!

“Rü guxũma i Tupanaarü Ore i üma-  
tüxũ rü nügüãẽwatama nanajaxu ga Tu-  
pana. Rü ngema Ore rü name na duũx-  
ũgüxũ namaa ingúexẽẽxũ, rü namaa jax-  
ucuxẽgüxũ, rü namaa ijanawexãchixẽẽ-  
güxũ, rü namaa nangúexẽẽxũ na mea  
Tupanapewa namaxẽxũcax.”

2 Timúteu 3:16

## 32 ¡Ngechuchumaxã idexa ngexũrũxũ i oragumare!

¡Ngechuchuna moxẽ naxã naxcax i gux-  
ũma i mexũ! ¡Nũxũ icuaxũxũ naxcax i gux-  
ũma i mexũ i cuxcax naxũxũ, rũ naxcax i  
ngema maxũ i cuxna naxãxũ! ¡Naxcax ína-  
ca i tacũ i cuxũ taxuxũ! ¡Ngechuchuégagu  
najumũxẽ!

“Rũ ngexguma tacũcax nũxna icaxgu, rũ nü-  
ma tũxũ naxĩnü i ngexguma norũ ngúchaũ jixĩx-  
gu i ngema naxcax nũxna icaxũ.” 1 Juãũ 5:14

“Name nixĩ i pegũcax pejumũxẽgũ.”

Tiágu 5:16

“¡Naxcax pejumũxẽ i ngema duũxũgũ i pexchi  
aixũ!”  
Matéu 5:44



## **Jumüxê ga Ngechuchu norü ngúexũgũxũ nanguxêêxũ.**

**33**

“Pa Tonatü ja Dauxũgucũx, rü aixcüma üünecü quixĩ i cumax. ¡Rü núma naxũ na torü âẽxgacü quixĩxũcax! Rü tanaxwae i curü ngúchaũ na naxũgũxũ i duũxũgũ i nhama i naanewa ngexgumarũũ i dauxũgũxũ i naanewa na curü ngúchaũ ínaxũgũxũrũũ. ¡Rü toxna naxã i torü õna i nhama i ngunexũcax ixĩxũ! ¡Rü toxũ nüxũ rüngüma i torü chixexũ i taxũxũ ngexgumarũxũ i toma rü tüxũ nüxũ tarüngümaxũrũxũ ja jíxema chixexũ tomaa ügũxe! ¡Tãú i tacürü chixexũpewa toxũ cuwogũxũ na tama nagu tajixũcax! Notürü tanaxwae i toxna cudadu na tama ngema chixexũ taxũgũxũcax. Erü cuma nixĩ i namaa icucuáxũ i guxũma, rü cuporaxũchixũ, rü maxũarü jora quixĩxũ. Rü aixcüma ngemaãcü nixĩ. Améũ.” Matéu 6:9-13

**Nhaa jumüxê rü ngema jaxõgũ rü wüxigu tagaãcü nanaxũgũ.  
¡Cuãẽgu naxú!**

**34 Ngema 10 i Tupanaarü mugü rü tũxũ  
nanguxẽẽ na nhuxãcü imaxẽxũ.**

İxchiga (Êxodo) 20

*Rü ngema nüxíraxũxũ i 4 i mugü rü tũxũ nanguxẽẽ na  
nhuxãcü Tupanaxũ ingechaũxũ.*

1. “Tama chanaxwae i chapewa tacü i tomaax cutupanaãx.”
2. “İTaũtáma i tacü cugücax cuxüxchicüna na ngemamaxã  
cutupanaãxũcax rü taxũtáma tacürü naxchicünapegu cucax-  
ápü rü nüxũ quicuaxũxũ!”
3. “İTaũtáma chauégamaxã cugü ícupoxũ ega tacürü dora  
cuxüxgu!”
4. “Ngema norü 7 i ngunexũgu rü tá icurüngũ, rü nagu tá  
choxũ quicuaxũxũ.”

**Ngema nawa jacuáxũ i 6 i mugü rü tüxũ  
nanguxẽẽ na nhuxãcü jigü ingechaũxũ.**

**35**

5. “¡Tüxũ nangechaũ ja cunatü rü cué!”
6. “¡Taũtáma cumáetae!”
7. “¡Taũtáma cuxmaechita nai i ngemaxã cumaxũ!”
8. “¡Taũtáma cungíxtax!”
9. “¡Taũtáma doraxũ quixu i cumücüchiga!”
10. “¡Taũtáma cugüxũ cunangúchaũxẽẽ ja cumücüpata,  
rü bai i tacü i noxrü ixĩxũ!”

**Ngexguma Tupanaga ixĩnügu rü tórü jumüxẽxũ nangãxũga.**

“Rü nüma tá tüxna nanaxã i guxũma i tacü i naxcax ícaxũ erü  
naga taxĩnüe i ngema tüxũ namuxũ rü tanaxü i ngema nüma  
namaxã nataãẽxũ.”

1 Juáu 3:22

## 36 Ngema taxre i mugü i guxũarũ jexera ixĩxũ:

### 1. ¡Tupanaxũ nangechaũ!

Rũ nhanagürü ga Ngechuchu: “¡Rũ nüxũ nangechaũ ja Cori ja curü Tupana guxũne ja curü maxũnemaax, rü guxũ i cuãẽmaax, rü guxũ i nagu curüxĩnũxũmaax!”

Matéu 22:37, 38

### 2. ¡Duũxũgũxũ nangechaũ!

“Rũ ngema norü taxre i Tupanaarü mu rü nhanagürü: ‘¡Nüxũ nangechaũ i cumücü ngema na cugü cungechaũxũ-rũxũ!’ ”

Matéu 22:39



(1 Corítiucüãx 13:4, 5, 8, 13)

<sup>4</sup>“Rü jíxema aixcüma ngechaũ tüxũ ngexmáxẽ rü jaxna taxĩnü rü tamecüma. Rü tama tixãũxãchiwae, rü tama tügü ticuaxüxũ, rü tama tügüguxica tarüxĩnü. <sup>5</sup>Rü tama taguxchinü-gawae, rü tama tümaarü mexũcax tadau, rü tama tanuxwae, rü tama nagu tarüxĩnüecha ega texé chixexũ tümamaa üxgu. <sup>6</sup>Rü tama namaa tataãxẽ i chixexũgü, natürü namaa tataãxẽ i ngema ore i aixcüma ixĩxũ. <sup>7</sup>Rü jíxema aixcüma tümamücüxũ ngechaũxe, rü jaxna namaa taxĩnü rü guxũguma nüxũ tajaxõ, rü guxũguma mexũgu namaa tarüxĩnü, rü taguma naxchi taxai woo tacü tümamaa naxüxgu i tümamücü.”

**38** <sup>8</sup>“Rü ngema ngechaũ rü tagutáma inajacuax.”

<sup>13</sup>“Rü nhuxma rü nangexma i tamaepüx i nacümagü i guxüguax ixĩxü. Rü ngema nixĩ:

(1) Rü Tupanaãxü tajaxõgü.

(2) Rü nüxü ítanangxẽẽ na natáeguxü ja Cristu.

(3) Rü nüxü tacuax na tamücüxü ingechaũxü.

Notürü ngema tamaepüxtanüwa rü ngema naétüwa üxü nixĩ i ngema ngechaũ.”

**Tupana rü ngechaũwaecü nixĩ.**

“Rü jíxema aixcüma ngechaũ tüxü ngexmáxẽ, rü Tupanaarü duüxü tixĩ, erü Tupana rü tümawa namaxü.” 1 Juáũ 4:16

**Ngechuchu rü nanaxwae na togümaxã  
nüxũ quixuchigaxũ.**

**39**

(cuchiüwa, rü escolawa, rü tu-  
paucawa, rü guxüwama)



**Ngechuchu rü nhanagürü  
nüxũ:** “¡Cuchiüwa naxũ rü cu-  
tanüxümaxã nüxũ jarüxu i gux-  
üma i ngema cuxcax naxüxũ  
ja Cori ja Tupana, rü nhuxãcü  
nüxũ na cungechaütümüxũ!”

**Márcu 5:19**

## **Nhuxãcü nüxũ tacuax i wüxi i duũxũ i aixcüma Tupanaxacü ixĩxũ.**

“Nacümwawa tá nüxũ pecuax nax aixcüma Tupanaarü duũxũgü ixĩgüxũ.” Matéu 7:20

“Rü jíxema Tupanaãxẽ tümawa ngexmáxẽ, rü tangechaxũwae, rü tataãẽ, rü tama aigu tarüxĩnü, rü jaxna tümamücümaax taxĩnü, rü tangũxẽẽwae, rü tamecüma, rü Tupanaãxũ tajaxõ, rü tama tügü ticuaxũxũ, rü tügümaa mea itacuax.”

Gárataneqüãx 5:22, 23

**Jíxema aixcüma Tupanaxacü ixĩxẽ rü togueãxũ nüxũ  
tangechaũ i tümaarü chixexũ i tümamaxã taxũxũ.**

“Rü ngexguma pema nüxũ nüxũ iperüngümüagu i ngema duũxũgü i chixexũ pemaa ügüxũ, rü Penatü ja dauxũgucü rü tá ta pexũ nüxũ inarüngüma i perü pecádugü.” Matéu 6:14

“Nai i ngemaa tamaxũ, rü tupanetanachicünagüxũ ticuaxüxũ, rü taxüxpewae, rü taxaixwae, rü tanuxwae, rü tachoxũgawae, rü taxãũãchiwae rü tamáetaewae, rü tangãxwae, rü peta taxügüecha.”

Gárataanecüãx 5:19-21


“Rü jatügü i naxrüũ jatüxũmaa ngeãẽxũ, rü ngítaaxgüxũ, rü ngema duũxügü i nügünaxica nanuxãchixũ i norü nge-maxũgü.”

1 Corítiucüãx 6:9-10

**¡Ngechuchuna cügü naxã na cuxũ namexẽẽxũcax, rü Naãẽ i Üünexũmaxã cuxũ napaxẽẽxũcax!**

“Rü aixcüma napewa pime jerü Naãẽ i Üünexũ rü tórü Cori ja Ngechuchuégagu marü perü pecáduna pexũ íananguxũxẽẽ.”

1 Corítiucüãx 6:11



(¡Nüxũ nadaumatü i  
Lúca 16:19-26!)

¡Rü mea Ngechuchuãxũ  
jaxõ, rü Nüma rü Max-  
ũarü Poperagu tá nanax-  
ümatü i cuéga!

“Rü guxema ingeégaxe  
ga Tupanaarü Popera i Max-  
üpanewa rü naxtaa ga üxü-  
maa ijaurachiünewa tawo-  
ũ.” Apocaríchiu 20:15

**Ngechuchugaguxicatama tá nixĩ i  
i Tupanaxũtawa ingugũ.**

**43**

“Chamatama marũ pexna chanaxã i maxũ i taguma gúxũ. Rü nhaa maxũ rü Chaunegagu pexũ nangexma.” 1 Juãũ 5:11

“Rü ngema natanũ na pecádu ixũxũ, rü ju nixĩ. Notürũ jíxema Ngechuchuãxũ jaxõgũxe, rü Tupana tũxna nanaxãmare i maxũ i taguma gúxũ.” Rómacũãx 6:23

“Rü jíxema Tupana Naneãxũ jaxõxẽ rü tũxũ nangexma i maxũ i taguma gúxũ. Natürũ jíxema tama nüxũ jaxõxchaũxẽ ja Tupana Nane, rü taũtáma tũxũ nangexma i ngema maxũ i taguma gúxũ.” Juãũ 3:36

**Ngechuchu rü nhanagürũ:** “Chama nixĩ i ngema nama i Chauna-tũxũtawa nadaxũ chixĩxũ. Rü aixcũma nixĩ i ngema ore i nüxũ chixuxũ. Rü chama nixĩ i duũxũgũxũ chamaxẽxẽxũ. Rü chaugaguxicatama nixĩ i Chaunatũxũtawa nangugũxũ i duũxũgũ.” Juãũ 14:6



**Rũ jexguma Juãũ ngoxetũgu rũ nũma nũxũ nadau ga wũxi ga dauxũguxũ i naane, rũ wũxi ga nhama i naane i ngexwaçaxũxũ.**

“Rũ nũma tá ínanapi i naxgũũetũ. Rũ taũ-táma texé taju, rũ texé tangechaũ, rũ texé ngechaũgaãcü taxaxu, rũ texé ngũxũ tingegũ. Erũ guxũma i ngema ngũxũ rũ marũ inajarũxo, rũ ¡dücax! choma rũ chanangexwaçaxũxẽẽ i guxũma i țacũ ingexmaxũ.” Apocaríchiu 21:4, 5

**Juãũ rũ nũxũ nadau ta ga wũxi ga ĩane ga ũũnene. Rũ jimá nixĩ ja Jerucharẽũ ja ngexwaçaxũne, rũ Tupanaxũtawa ne naxũ. “Rũ nũmatama ga guma ĩane rũ uirunaxcax nixĩ. Rũ nhama woruarũxũ nijauracũũ. Rũ guma nutagũ ga itacũ ga norũ poxeguxũpara ixĩgũcü, rũ nagũxũraũcü ga nuta ga imexẽchicũmaa nangaxãẽ.”**

**Apocaríchiu 21:18, 19**

**Ngechuchu rü dauxüwa naxü na namexẽẽãx- 45**  
**ũcax ja tümachiũ ja jixema nüxũ jaxõgüxe.**

“¡Tãũ i penaxĩxãchiãẽgüxũ i pemax! ¡Tupanaãxũ pejaxõgü  
rü choxũ rü ta pejaxõgü! Chaunatüxütawa nangexma i mux-  
ũchima i nachicagü. Rü ngexguma marü ngéma chaxũxgu  
rü wüxi i pechica chamexẽẽxgu, rü wena táxarü núma  
chaxũ. Rü pexũ tá chajagagü na ngema nachica i chamatá-  
tama nawa changexmaxüwa na pengexmagüxũcax.”

**Juãũ 14:1-3**

**¡Rü togümaa nüxũ ixu i nhaa mexũ**  
**i ore i ngexwaçaxũxũ!**

**Ngechuchu rü nhanagürü: “¡Guxũ i naanewa pexĩ rü guxũ i**  
**duũxügümaax nüxũ pejarüxu i ore i mexũ!” Márcu 16:15**

# Tupana rü naxacügümaa inaxuneta:

“Tagutáma cuxna chixũ, rü tagutáma cuxũ íchatax.”

Ebréugü 13:5

“Rü nūmarü tá norü duũxügü i dauxũcüãxũ namu na cuxna nadaugũxũcax i ngextá ícuxũxüwa.” Wijaegü (Salmos) 91:11

“Guxũgutáma pexũtawa changexmaecha nhuxmatáta nagú i naane.”

Matéu 28:20

“¡Rü tãũ i cumuũxũ naxcax i ngema ngúxũ i tá quingexũ! Rü chanaxwae i choxũ cujaxõõma nhuxmatáta cujux. Rü chama rü tá cuxna chanaxã i curü ãmare i maxũ i taguma gúxũ.”

Apocaríchiu 2:10

“¡Choxna naca rü chama rü tá cuxũ cha-ngãxũ!”

Jeremía 33:3



**Guxũma i juexũ rü tá ínarüdagũ.**

“Tá ínangu i ngema ngunexũ i nagu guxũma i duĩxũgũ i juexũ rü tá nüxũ naxĩnue i chauga. Rü naxmaũgũwa tá ínachoxũ. Rü ngema mea maxẽxũ, rü tá ínarüdagũ na najauxgũãxũcax i maxũ i taguma gúxũ. Notürü ngema chixexũ ügũxũ, rü tá ínarüdagũ na napoxcuexũcax.”

Juáũ 5:28, 29

**Jíxema Cristugu juexe rü tüxíra tá ítarüdagũ.** “Rü ngema wena i jixema na imaxẽxũ rü Tupana tá wüxigu caixanexũgu tüxũ nigagũ namax i ngema duĩxũgũ i juewa írüdagũxũ. Rü ngemaãcü tá dauxũgu Ngechuchuxũ tajangaugũ na guxũgutáma naxütawa ingexmagũxũcax.”

1 Tcharónicacũãx 4:17

“¡Ipedaue rü pexuãẽgũ! Erü tama nüxũ pecuax i tacürü ora tá íchangu i chamax!” Márcu 13:33





“Rü dücax, marü ningaica na caixanexũgu ína-  
nguxũ ja Cristu! Rü guxũtáma i duũxũgü nüxũ  
nadau.” Apocaríchiu 1:7

**¿Rü pexũãëgü naxcax i ngema Cristugüneta  
ixĩgũxũ, rü orearü uruũgüneta ixĩgũxũ!**

“Rü ngexguma texé pexũ nhagũxgu: —¿Dücax!  
daa nixĩ ja Cristu —nhagũxgu, rüexna: —gua  
nixĩ ja Cristu —nhagũxgu, rü tama name i nüxũ peyaxõgü.”

Matéu 24:23, 26

**Ngürüãchimare tá caixanexũgu núma naxũ ja Ngechuchu.**

“Erü nhama wüxi i baixbexane i guxũwama nangóonexẽẽxũ-  
rüũ tá nixĩ i ngexguma wenaxarü núma chaxũxgu i chamax i  
Tupana Nane na duũxũxũ chixĩxũ. Rü guxũ i nachiũanecũãx rü  
tá nüxũ nadaugü na nhuxãcü daxũwa ne chaxũxũ. Rü ãëxgacü  
ja poraxüchicü rü mexẽchicü tá chixĩ.”

Matéu 24:27, 30

# Tórü Daruũchiga

Wijaegü (Salmos) 23

**<sup>1</sup>Rü nüma ja Cori ja Tupana rü chorü daruũ nixĩ rü taxuxũma choxũ nataxu. <sup>2</sup>Rü mexũ i nachicagu choxũ narüngũxẽẽ, rü mechiũxũ i natüwa choxũ naga. <sup>3</sup>Rü ngexguma chaturaxgu rü choxũ naporaxẽẽama, rü mexũ i namawa choxũ naga na ngemaãcü natachigaxũcax i naéga. <sup>4</sup>Rü woo tacürü ãũcũmaxũ i taxũwa chaxüpetügu, rü taxucaxma chamuũ erü cuma Pa Cori Pa Tupanax, rü chauxütawa cunxexma. Rü jima curü naixmenamaa rü jima curü caxũxũruxũ rü jima nixĩ ja nüxna charüjoene. <sup>5</sup>Rü mexũ i õna chauxcax cumexẽẽ napewa i chorü uwanügü, rü pumáramaa choxũ cubaeru. Ru ngema chorü axexũpáxũ rü ínanagoxochi erü cunaxüãcuxüchi. <sup>6</sup>Ngema ñoma i naanewa na chamaxũxũgu, Pa Tupanax, rü guxũguma choxũ cungechaũ ru guxũguma chomaa cümecüma. Rü guxũgutáma, Pa Corix, ru cuxütawa changexmaecha.**

Published in numerous languages by World Missionary Press, Inc.,  
as God supplies funds in answer to prayer. **For questions or more  
information by country, visit: [www.wmp-contacts.org](http://www.wmp-contacts.org)**

Gratis – No debe venderse

World Missionary Press, Inc.  
PO Box 120  
New Paris, IN 46553-0120 USA  
[www.wmpress.org](http://www.wmpress.org)

5-26



Read booklets online or by App  
[www.wmp-readonline.org](http://www.wmp-readonline.org)  
2258 Ticuna (Brazil) WTG